

行雲樓遺藁

中

柳田文庫

文庫11

A1149

2



文庫11  
A1149  
2



高藤齋評以文有鐵馬  
截風銀鬣臂浪氣豪  
幼是吾兄本也

行雲樓遺稿卷中



送長谷川子肇遊芳野敘

花之鳴天下者。特稱芳野。維暮之春。吾友長谷川子肇將遊其地。或曰。花期已遲矣。子肇氣沮。余推背勵之曰。壯哉遊也。行矣子肇。世之遊芳野者。唯花是慕而已矣。使芳野無花耶。其人遂不遊也。子誠忼慨士也。豈可與俗輩同日而遊哉。夫芳野之山。何如地耶。以余所嘗聞。則其實成寺者。為南朝四世之皇居。吉水院者。天子駐蹕處。如意輪寺者。後醍醐帝陵。

行雲樓遺稿卷中

柳田泉文庫

醫藤聲評把花身及履  
之伎相以作法超脫匪  
夫所思

而楠正行之題名赴戰處也。而兵部親王之揚義旗於此也。忠臣義士如蠟而起。方受重圍。村上義光登藏王堂。赫然含鋒而死。三尺孤墳屹然尚存焉。然則此山實爲明君義士英靈之所收藏。而非王室興衰之所關係耶。必也。忼慨義氣如子肇者。而後可遊也。且夫花之妍麗而無操者。莫如於櫻焉。何則。侈於花而嗇於實。其開不有旬日。假令氤氳爛漫如山谷。被時反覆之徒。朝仕新田。夕走足利。致身於富貴。而一旦身斃骨朽。可唾可糞。何異于狐狸蒙茸哉。今子肇

遊芳野。顧千章櫻樹。新綠青青。片芳半藥。不可求而觀也。然謁英主之陵。弔忠臣之墓。俯仰感慨。激發淚下。與夫喜孌娜慕綽約。目逆胸盪者。可同年而語哉。其文若詩。自肚裡而溢出者。蜿蜒磅礴。卽天地之真元氣。而字內之大文字也。若夫子肇之意。偏在登覽之間。則宜過瀛洲。涉蓬萊。採琪花。摘瑤草而還也。何必芳野之往哉。嗚呼。何花不飛。何人不死。萬古與天地無窮者。唯是義氣而已耳。壯哉遊也。余平生所以深望於子肇也。豈特爲此行而發哉。

送福島文藏歸肥前序

聲評一筆萬鈞說到  
快不覺拍案

摹寫得風神在眼中  
烈士之言如強弩之發  
而思疑感

余恭讀佐賀侯咏懷之詩云。堂堂大路久荆榛。天以蒼生寄此身。意志忼慨。結構雄偉。比之往昔善詩者。殆上杉謙信伊達貞山二公之亞歟。夫有有爲之主。必有有爲之臣。爲之翼弼。譬之龍吟。則雲起。虎嘯。則風生。考之近世有爲之主。如備前芳烈公熊澤了介。爲之風雲。如肥後靈感公掘平太爲之風雲。如采澤鷹山公白川樂翁公。竹股美作與吉村又右爲之風雲也。如吾友福島文藏之於佐賀侯。亦非所謂風雲者耶。文藏爲人。隻眼炯炯。貌不甚偉。然議論風發。英氣襲人。其學問人品。足以當侯之風雲矣。今三復侯

載

所作與謙信貞山二公之詩。異其所感。侯專以憂國憫俗爲己任者。顯然于言表。蓋自古覆載之際。有否泰消長之理。人事盛衰之運。方今昇平。雖未曾有不虞之事。而凶荒以來。盜賊竊發。風俗頹靡。遠慮之士深憂焉。此時也。有賢明之主。出而振起之。有風雲之臣。興而翼弼之。大立綱紀。弛者張。而廢者揚。革別洗淨。各得其所。宜而後自一國逮于天下。則習俗氣運。競競駁駁。無不趨于正。而復于古。其所關係大且遠矣。余聞侯春秋富壯。而立志如此。然則今日振起之任。非天誠以蒼生附于侯耶。爲其臣者。實可謂千歲

川田興評結得有力  
江米歌評結尾有史  
風韻敬服  
何孝悲歌何孝抱負

之希遇。大丈夫得願之秋也。烏乎。天下之龍虎。常有數而存焉。其爲風雲者。無處無之。得君如文藏。隨而興。興而報功。可繼。夫熊掘諸子而興也。今文藏之歸也。苟抱有爲之資。齋風雲之志。鬱鬱不得一伸其氣。而老屈于山野者。其爲欽羨。果何如也。爲文藏者。宜省而勉之。

送三神貞觀歸省序

丙申歲。五穀不稔。至丁酉。米價涌貴。升直銀一銖。草根木皮。剝採殆盡。道路餓殍相望。於是峽民裂紙插竿。擊鉦大呼。響應者二萬許人。聚于府城。圍富豪宅。

而毀之。拋金穀如沙礫。家什帳簿。粉齋無餘。府尹不能制。四鄰大振。我藩遣二隊。弓鏡矛戟。森肅布列。其勢如將驅逐。而鑿峽民遙望。披靡散走。兵不刃而民咸安堵焉。余時在鄉里。語人曰。甲斐天險之國。其民狡猛。有古昔武田氏之遺風存焉。若有梟雄。姦宄。奮臂嘯集。則豈易制哉。蓋由其土地風氣不關。民不被文明之化也。苟豪傑之士起其間。以斯文爲己任。鼓舞倡導。則風氣開拓。雖歲歉人飢。不至民騷擾爲亂。戊戌冬。余赴江戶。取途於峽。所過往往摧破之餘。破屋斷牆。炊烟蕭索。意慘然不樂。因愈欲得其人而講

之。去年春入昌平學。得峽人三神貞觀。其爲人深沈寡言。年未二十。詞藻斐然可誦。而叩其志。則曰。欲廣交俊傑。廓其見聞。以唱導鄉子弟。余聞甚喜。以爲得其人。一日貞觀愁然曰。吾將歸省於二親。請子一言。余乃舉持論且諗曰。古之豪傑。雖無文王猶起。陳良楚產也。悅周公孔子之道。北學于中國。能用夏變夷。今貞觀亦奮發於窮僻之地。而交四方之士。可謂豪傑不俟文王而興者。他日愈積其學而歸。光被文化。開風拓氣。蒸蒸日上。造成子弟。自鄉黨及郡縣。使峽民不爲不義亂賊之事。其化不庶乎陳良乎。余復過峽。

中將入其鄉。而見其俗。貞觀勉之。勿安小成。爲鄉曲之士。負其夙志。余樂而俟之。

送柴野子遷歸阿波敘

寬政之初。綱紀大張。百度一新。官徵三大儒。而振起學政。柴野子遷之祖。栗山先生爲其首。先生早以擯斥異學。唱正學爲己任。蓋其出也。方伊物二氏唱古學之後。其徒務推漢唐。強排宋儒。一時輕躁子弟。風靡波頹。誇揚相高。先生一出。能使不得吐其口。逞其辭。於是學風大變。學者始知向正道。其有功于斯道。可謂偉矣。而先生從子碧海先生。夙受疇業。經術文

章斐然發暉。繼述之譽藉藉轟乎儒林。吁何其盛也。余嘗有志頡閩之學。私淑二先生久矣。今茲入昌平。學得交子遷。聞其梗槩。惜未竭兩端。而子遷將歸其鄉。徵余一言。子遷趨庭之訓存焉。余復何言。無已則有一言焉。夫自古名門未必出肖子。往往失墜家聲。要之假父祖之名。而不屑與門人等輩相共切劘。驕傲日乘。怠惰月生。遂負豚犬之謗。而不辭。古云。爲賢人之子孫難矣。今子遷能如碧海先生之於栗山先生。則豈有學問怠而志氣驕。蔑視等輩乎。余望子遷如此而已。抑余又有感焉。昔者享保學術之弊。曠虛

無實而已。今則不然。外飾程朱。內修陸王。譬之人貌而虎心。其流毒必至如鹽賊逆亂。滅漸大理。不撲滅其餘燼。復將有喪人心。害世道之患。較之伊物二氏。其弊不啻嗚呼。栗山先生不復起。誰能正學術。誰能調人心。顧世豈有其人乎。豈無其人乎。察有其人。與無其人。乃又可以卜寬政政治之復與不復也。豈特學術而已乎。

送武居文甫歸岐蘇序

壬寅六月。岐蘇藩士武居文甫。歸自江戶。過予廬。出其近文見。眎余受而讀之。曰。方今讀書之士。治昇平

名陰曰有心而後讀書  
始為有用可誦

之澤者。宜思所以報效國家之義。不可徒作浮藻之章。以為耳目之娛。其言切中時弊矣。夫讀書不適用。博物多聞。以求衣食。則與梓匠輪輿。又何擇哉。今夫天下太平。時和物豐。無復可虞。而可預備者。其唯荒災歟。往歲飢饉。菜色之氓。吁吁乞食者。問其鄉里。則岐蘇過半矣。蓋其為地也。僻在橫嶺側峯間。田隴磽确。露霜早降。其所產不過蕎麥果蔬之類。一旦五穀不稔。四境閉糶。穀價踊貴。先被荒災。父母妻孥。流離死亡。不能相保也。余竊謂。近歲豐稔。粒米狼戾。當此時。宜脩社倉。以備凶荒也。然民之蠢爾。難諭而易怨。

諺所謂就蔭而遺笠。下喉而忘味。使之遽出財穀。必謂不急之務。或有沮之者。故任此責者。自非強毅果決。不迷羣議。而不牽毀譽者。則不能也。余嘗與文甫在昌平覺。熟知其為人。沈潛寡言。望之肅然。如不勝衣。而其學術固足以信服人。今之歸也。必將大擢用。文甫與在要路者。為之唱首。誠心以諭民。果能如朱文公所為。假令遭凶年水旱。晏然安堵。得保其父母妻孥。而免剝木皮摘草根之苦。則雖招一時之囂囂。豈不亦萬世美利乎。抑余聞之。凶歲以來。諸侯縣令營倉廩。儲粟采。而有奸猾游惰之徒。往往賄有司。貸



粟米者。是由法令之不嚴耳。文甫儻用余言。約束處置。不可不加意也。然而古今應變無方。因時制宜。周禮所載。荒政十二。大率不切事情。難用。後世顧斟酌何如耳。是余最所以望文甫也。

送江木晉戈歸福山敘

十餘年前。余遊京師。一時所交之士。或精于經史。或巧于辭章。或以氣節相高者。濟濟不乏其人。竊謂咸有望于他日者也。而未聞卓然顯著于世者。豈輕銳之氣。歷歲月而銷磨耶。唯有江木晉戈。學問益進而成立而已。晉戈爲人質朴。中不挾長。外不炫才。與之

交久而愈知其可親矣。而余與晉戈。離合聚散。殆似有數而存焉者。余別晉戈於京師之後三年。遊于江都。晉戈先寓劉先生塾。已以文章爲人所稱許。無幾余歸鄉。晉戈亦歸省。至戊戌歲。余再遊江都。入昌平。晉戈則晉戈亦再遊。時晉戈專研經術。矻矻不倦。蓋欲去華以就實也。而人亦稍稍知將大有所爲矣。於是昕夕講習。相得而驩。有疑義必質之。未嘗曠半句也。旣而余將歸省。晉戈亦有登富岳之志。冒炎熱相拉而發。宿八朶絕頂。聞叫雞於半宵。觀浴日於雲海。意氣激昂。俯仰忼慨。有陳子昂前無古人之嘆。遂振衣

妹尾君恭評忽然著壯  
偉之語文梳活滄

行雲樓遺稿卷中  
而別。別而合。同學一周年。而余先歸。晉戈亦北游。而歸去歲。余聞晉戈祇役侯邸。因欲一見敘舊歡。而不可得也。及臘月。受東遊之命。幸又得與晉戈款晤談往事。嗚呼。信與備。山海隔絕。風馬牛不相及。而二人者。離合聚散之迹如此者。一何奇也。抑志之所趣。相似而然耶。曩年。晉戈取途於中山。訪余於鵞湖。余方他適。歸則家母喜曰。有江君者來。吾閱人多矣。未有如江君懇懇純實者。他日必將爲有用之人。實汝師也。而今晉戈大被擢。儼然爲一藩師。儒長槍肥馬。以陪侯駕。於晉戈則雖未足以爲榮。而較之十餘年。

前。僑居京師。四壁蕭然。嘗苦食淡。螢雪讀書之日。果何如哉。家母之言。庶幾乎有驗矣。歲之三月。晉戈將歸其鄉。余於晉戈。義則朋友。而道則師弟也。固不可以規言贈之。况如晉戈純粹無瑕。無一事可以規者乎。因回顧十餘年來。離合聚散之迹。則有不勝感者矣。抑又思之。余與晉戈。石交如此。其志之所趣。亦頗相似。而晉戈學業成立。旣已如此。余也。碌碌依舊。一龍一豬。雲泥懸隔。無他特由勉與不勉之使然耳。臨其別也。乃敘以爲贈。

送大脇有鄰歸木曾敘

岩陰評文字高老一節深  
一節至以餘波收結是  
若兄行餘曲此極有趣  
處酷似方正學贈刘文  
仲序

行雲樓遺稿卷中  
曩年大脇有鄰游學江戶。歸途過鷺湖。宿余家。眎近稿。藻思鬱勃。有水涌之勢。時年僅十八。余以爲畏友也。今茲孟春。余入百之寮。有鄰先在焉。不相見者七八年矣。有鄰領下鬚躍躍出。乃慨然謂余曰。自與子別。爲人所羈束。筆硯荒蕪。今而勤苦。徒爲倒行逆施耳。其言頗痛切矣。無幾。有鄰罹幽憂之疾。因循彌月。藥而不愈。醫謂有鄰宜歸鄉里而養之。因詢之于余。余曰。有旨哉。醫之言也。有鄰之所以得疾。非風。非寒。非熱。濕。而得之。思慮過度。竭盡精力。則固非草根木皮之可得而治者矣。有鄰盍求諸我學問中而治耶。

夫子不云乎。父母唯其疾之憂。夫有鄰之身。非有鄰之身也。父母之身也。苟奉父母之身。而不珍愛自重。以爲己身。使之苦幽憂之疾。不孝亦大矣。縱令有鄰多可憂之事。莫過於陷不孝之憂者必矣。且余察有鄰鄰前日之言。得無乃欲憂勉學求速成之功乎。昔者蘇老泉年二十七。發憤始讀書。終至大成。今有鄰春秋富於老泉。固不爲晚矣。况旣已有學殖可基者乎。然而余不告之。未病之日。而發旣疾之時。則不及也。今將何以贈之哉。余有經驗之方在焉。非藥石之謂也。嘗抱幽憂之疾。而纏綿痼滯不治。一旦有感于歐

陽公贈楊寘之言。而寒僻之鄉。無琴師可學者。偶誦東坡醉翁操。乃知琴意自寓山水中也。因好爲山水遊。攀峯巒。涉澗溪。踞盤石。聽清泉。其激石者。澌然而鳴。其落湍者。淙然而響。瀉者。迸者。潺湲互奏。緩急相和。宛乎有聽伯牙水仙操之想。使人置身三古。而忘幽憂之疾。灑然快也。有鄰之鄉。山有御岳。水有蘇川。其山嶺水涯之間。可樂處極多矣。有鄰歸家之後。曳杖帶瓢。逍遙自適焉。顧其可以散幽憂。開溼鬱也。

贈三浦伯厚歸越後序

三越之國。莫大於越後。越後之地。際于北海。四方舟

舶之所湊。殷然爲一都會。其俗驕奢淫侈。至其窮僻之鄉。側乎山海者。最甚焉。每歲中元三日。男女相配。爲假夫婦。變服連臂。踏舞于里巷。無夫而育子。無婿而抱孫者。往往有之。習以爲常。不復知其爲醜恥事也。國家昇平日久。雖荒陬萬里之外。咸俗教化之澤。而守倫理之道。奈何越後獨爲斯敦倫亂理之事哉。余嘗反覆考之。古云。沃土民不材。蓋越之爲地也。土地富饒。其民不材。一向僧碁列于其間。其所以說法誘民者。非清淨寂滅之談。而營私媒利之誕耳。渠娶妻育子。其貪布施。求田宅。固宜然也。蠢爾愚民。耳不

行望樓遺稿卷中  
聞先王之教。目不見禮義之法。意謂棄財物。營梵宇。乃可以免罪禍也。若夫敦倫亂理。覲然不敢異也。嗚呼。有豪傑之士起。不滌蕩而排斥之。何由蒙國家教化之澤哉。三浦伯厚。越後水原人。歲之三月。負笈東遊。寓風自塾。僅六旬。遭事故而歸。請一言於余。余於伯厚交誼未深。夫交淺而言深。固非情之所宜也。雖然。孟子云。能言距楊墨者。聖人之徒也。余一介書生。雖力不能闢浮屠氏。亦不可默止。因舉持論而贈之。余聞伯厚之父采亭翁。好學尤工詩。詩之爲道也。大矣。可以理性情。善倫物。設教邦國。應對諸侯矣。古者

有陳詩觀風之義。苟能誌諸心。而爲詩歌。他日當路賢者。或將有采于此。然則敦倫亂理之風。庶幾乎可熄。其所關係。豈不亦大乎。伯厚尚以余言質之。嚴父乎。

### 送唐崎雄飛序

信之爲國。在萬山莽鬱之間。陽氣塞。涼氣早至。方閉春發生。晚矣。櫻桃李梅之屬。同時而開。今茲仲秋。鶯湖邨畔。櫻樹開花。市月而謝。月令曰。仲秋行春令。則秋雨不降。草木生榮。國乃有恐。而今草木生榮。失其氣候。焉知非國乃有恐哉。我國家昇平二百餘年。黎

行雲樓遺稿卷中  
庶驩虞。剖判以降。未有盛斯時也。然而文政以來。魯西亞諸厄利亞之二虜。放艤。衝波濤。窺東北之邊。蓋彼之爲地。礪确不毛。羨我土壤。饒沃。咕咕垂涎。其情固不足怪焉。然未嘗竊發爲不逞事。今則極舟楫之所通。倏忽往來。暴掠劫奪。形狀旣露。其勢猖獗。駸駸爲侵寇之禍。亦不可測也。唐崎雄飛。越人也。善劍術。而精鈴韜。飄然叩余廬。余固聞其名。延而坐之。狀貌雄偉。稱其志氣。酒酣談熟。及二虜事。議論激昂。如陳龍川訪辛稼軒時。雄飛慷慨曰。吾將涉黃沙。探虜情矣。子以爲何如。余曰。壯哉遊也。雖余孱弱不

能張十鈞弓。其氣則不怯。頗抱展効之志矣。子先余著鞭。何其壯也。嘗聞昔者有二豪傑。曰林子平。曰平山子龍。子平單身渡海。深入蝦夷之地。探其情狀。觀其形勢。曰。彼狡猛崛強。他日必爲邊患。如甚懼之。子龍則曰。邦俗精悍。四方無比。彼蠢爾醜虜。偷鼠之輩。曷敢敵我。決不足顧慮。如甚輕之。蓋二子者。非常之士。非爲空論者。卓然各有所見矣。恭惟神祖戡定浪華後。謂侍臣曰。宇內已無虞。則戎備唯在邊防耳。如子平所論。則神算睿慮。豫決當時也。爾來英明。繼統體。神祖之遺略。使侯伯藩幹。申嚴邊防之守備。

朝有濟濟之美政。野有赳赳之風俗。二虜猖獗。率百萬醜類而來。亦蒼海之一粟耳。是則子龍之所以爲不足慮歟。雖然天地之間。一治一亂。猶寒暑往來也。士大夫沐國家休養之澤。浴昇平積厚之氣。而世其爵祿者。豈可不思所以報效乎。及其別也。敘而送之。

送鹽谷量平歸江戶序

大抵關西之士。長乎文藝。而疎乎經學。關東之士。拙乎文藝。而精乎經義。夫學者精經義而足矣。文藝何足論哉。然關西之士。往往有抱道不仕。能守操節者。關東則干謁請求。奔競成風。滔滔皆是也。豈非出處

進退之所以殊其趨向耶。吾友鹽谷量平。自關東遊關西。歸途訪余。賦文詩若干首。文則與齊藤某書。紆餘曲折。有長江千里之勢。詩則追憶南紀遊十六絕。鏘鏘戛戛。有敲金擊石之音。余一覽拍案稱快者數。量平慨然曰。自古京攝間。稱文士之藪。而今二三之外。聞乎寥寥矣。實文運之陵夷。未有甚焉也。我歸江戶。親炙于慊堂松崎先生。困勉十年。將以修經義。余乃曰。善哉子之志也。前修云。師不可不擇。弟子亦不可不擇。所師也。蓋先生年未老而致仕。攜圖書入山林。而潛心於墳典。其操節之高。自修之生。與夫

行雲樓遺稿卷中  
橫經售講。跼踖逡巡。仰人鼻息者。星淵懸隔矣。其從遊之士。純實精確。不爲華飾。皆尊信古義。其嚮往之志。與夫附驥尾。媒仕進者。雲泥遼絕矣。余嘗抵于羽。臯稻畦蔬圃。昂低迤邐。而先生之居。據爽邱之嶷。茅屋數間。竹籬柴門。桃李梅梨之植。蔭翳茂鬱。而脩篁。瀾縫于其間。絃誦朗朗。與禽鳥聲相和應矣。其寬閑蕭散之趣。千載之下。可以傳于丹青也。抑思之。文運之陵夷。亦猶世道之汙隆。否塞極。則泰道升。今之陵夷焉。知非天將俟其人而興焉。方今人材之多。未有盛於先生之門。他日門下之士。陸續崛起。而碁布海

內。唱乎東西。振乎南北。使斯文不墜乎地。爲量平者。亦一方之責也。天之將興斯文。必有俟其人者。於是乎徵矣。古云。合三十五人之力。力如責育。况門下彬彬多材。屢屢不止于二十五人者乎。自余與量平交。旣七年矣。離合贈言。爲規語。今特以其所期望者。大且重。故不得不如是量平。勿爲諛言。却之。

送掘江子伸歸省序

掘江子伸有志斯道。來寓余家數旬。將歸省。請余一言。且曰。祐也。志學晚矣。從今勤苦。足以有爲歟。余應之曰。余未自信。豈敢語子哉。雖然。有所經歷。而覺悟。



行雲樓遺稿卷中  
余性怯弱。非特於斯道不能立志而已。嘗欲登富嶽。而憚勞畏險。逡巡不發。去歲在昌平。嘗有友人登富嶽而還者。聞其遊誠樂矣。余神魂飛往。遂決策而登。其高如登天。路缺徑絕。砂石崩潰。一步失趾。轉墮不止。余困憊將半途而還。導者勵曰。阪既究七八分。子勉焉。有足酬其勞者。余奮躍聚手足筋骸之力。備仄而進。漸達絕頂。則千峰萬山。銳如筆者。圓如爪者。凸如鼻者。凹如釜者。蜿蜒蟠屈如龍蛇者。起伏連互如波濤者。如螺者。如髻者。側者。橫者。躍然拔奇。不遑應接眼界。頗有小天下之志。及降如翼而飛。忽抵半腹。

遙望曠野。平遠如水。意謂草輒如茵。可跣而走。不復議導者。抵則榛莽鉤衣。稜确嚙鞋。顛頓狼狽。僅得樵徑。余因思。難進學也。易下志也。譬猶登富嶽。余嚮雖有登覽之志。不聞友人之樂。則不能決策。不從導者之言。則半途而廢。不能極宇內之壯觀。及降志滿氣弛。妄意自信。墮乎榛莽蕪穢中。殆將爲狐狸所啖。而幸得免焉。余於是乎覺躁進踰越。一失正路。噬臍不及也。烏乎學。尚立志。志立而勉強。勉強而得。得而氣弛。末路又入邪徑。易曰。君子慎始。差若毫釐。謬以千里。今予寓余家。昧早而起。半夜而寢。讀書朗朗不絕。

聲。勤苦如是。學必成矣。子之鄉有君子曰尾花叔達。子歸而質之。必有所論矣。

渡邊德夫翁六十壽序

古者無壽賀之文。其有之。自明中葉始。今則閭巷匹夫。年至耄耄。必爲之壽。不爲則不孝。蓋風俗競侈之使然也。余嘗云。爲人子者。欲爲親壽。則不在盛宴之日。而在平時之養也。其爲養也。非嘉肴珍羞之味。羅綾錦繡之美也。惟率親訓而無違而已。苟如是。則菽水之飲。絮衣之暖。足以稱孝養。何必瑛懸弧之辰。而開文酒之宴哉。吾友篠山藩渡邊伯信。年纔十四。承

侯命。負笈遊于京師。受業於敬所豬飼先生之門。刻若勉強不怠。皆謂伯信他日將大有爲。而嚴父德夫翁歲一來過。余接其人。周密深沈。狀貌甚偉。從容語曰。使兒有所成立。遊資雖多。無遺憾焉。伯信亦曰。受君命奉父訓。學不就。則不敢歸家。常誦日月。却從閑裡過。功名豈向懶中來之句。以自勵精。余竊歎曰。聖賢之道。衰嚴父之訓闕。而功利之習盛。父兄之所以望其子弟。子弟之所以應其父兄。日夜孜孜。勢利是趨。雖有美質。不能自植。所謂賊子者也。豈不甚悲乎。嗚呼。翁以忠孝教伯信。而伯信以顯揚自誓。可謂有

慈父而有孝子也。既而余歸故鄉。絕音信者數年于此。今茲仲夏。伯信寄書曰。光陰如流水。與子別如昨日。而賤父齡。既登六袞。而我遠遊。違膝下之養。將得朋友之文。若詩以慰老親之意。請于一言。余喜伯信久遊不倦。勤學不息。而歎余碌碌無似。慚汗浹于脊。因思往年翁所語余者。誠合訓子之道。而破習俗之見。則伯信必不屑爲親壽以世俗之事。余亦不欲以世俗之事爲翁壽也。善哉伯信。雖違膝下之養。而遂顯揚之意。徵侑觴之辭。以榮親之壽也。古云。孝德不置于壽爲宜。宜矣翁之壽也。自今伯信學問德行。與

歲月進脩。使翁無遺憾。則翁眉壽無疆。他日余樂復爲翁古稀耆頤百歲之壽文也。

擬送友人赴津島接韓使序

豐太閣之征韓也。或謂曰。此行宜以達漢文者。從公。啞然曰。吾將使彼用我文耳。烏乎。公志則大矣。然當時諸將不諳封冊事。爲沈豎子所愚者。不達漢文也。故彼至今以我爲不曉文字者。入聘嘉禮。既畢。筆談以誇耀焉。我亦知彼之情。及其相覲。筆陣對壘。擣虛批元。欲彊勝之。是亦不思之甚也。夫兩國交驩。賦詩見志。彼我一體也。而彼欲虛飾文辭。而駕跌于我。則

自取侮耳。我亦欲唱酬響應以壓倒乎彼。則抑末矣。夫勢與世移。形與時變。我邦昇平之久。文運大闢。一介之士。亦能通文字。近世士習。日流文弱。今之我已非昔之我。則焉知今之彼。亦非昔之彼哉。今則宜體豐太閤之所言而接之。使彼知我邦剛武崛起猶昔。而益起威望服事之心。非特濟濟之美。亦可以示起趨之俗矣。何必區區以筆頭較伎倆哉。余聞往年赴津島時。渡海遇颶風。舟中人咸眩倒無生色。或至嘔血而死。嗚乎。何其怯也。若使彼有膽識者聞之。必笑曰。倭不足畏。豈非損國威耶。昔者唐順之往浙江視

師。自江陰抵蛟門。放艦破浪。晝夜行六七百里。從者咸駭。嘔順之獨意氣自若。順之之言曰。師旅飢饉。正是古人實用學問。蓋順之平生苦節。故能如是。可謂不負其所言矣。今茲韓使者入聘。賀我大君繼緒之慶。於是吾友將從祭酒林公赴津島。余嘗讀其文章。頗有展効之意。而此行爲書記。余因知迎接之日。欸晤之際。累牘往反。秉筆不滯。綽綽有餘裕。而無不措辨之事。雖然事變之至。必出意料之表。譬如風波不測。則順之所謂於實用學問。不可不加甚碎礪也。嘗聞聘禮之後。對接韓使。外似私覲。而內有公事。其

行雲樓遺稿卷中  
事往往係乎國體不可不慎也。孟子曰：自侮而人侮之。况於崇讀書知禮義之國乎。請以爲贈。

贈關溫長遊松本序

關溫長將學醫乎松本。而過余。余於溫長有師友之義。豈忍無言而別。余適不在。因追贈之曰：古所謂俊傑之士。成大過于人之業者。非有大過于人之資。則必有省察勉勵大過于人也。是以業果有成焉。夫溫長家業醫者三世于此。皆卓卓顯名。非庸醫也。今溫長不幸失怙。母君守節寡居。幼弟弱妹倚食親戚之家。鬻其什器質其廬舍。以爲衣食之計。可謂艱難矣。

溫長將何以處之。以余觀之。溫長既已無大過于人之資。則唯當有省察勉勵大過于人者耳。其意謂吾遭多難。隻身孤立。懶惰不勤苦。恐將貽恥於父祖矣。乃省察勉勵。欲以繼父祖之志焉。越竟遠遊。久棄膝下之侍養。志業無所就。恐將陷不孝之罪矣。乃省察勉勵。欲以解倚門之憂焉。幼弟弱妹。皆同體分骨肉者。則豈可使之流離顛躓乎。乃省察勉勵。以思有成立焉。廬舍什器。先人之所居。手澤之所存。則豈可使之爲佗人之有乎。乃省察勉勵。以思復舊物焉。嚙臂銘肝。誓絕酒色。如越王之嘗膽。如蘇秦之刺股。雞鳴

而起。人定而寢。人百而能之。已十而得之。人歲而未就者。已月而既至焉。誠能如是。則曷有墮家聲之憂乎。曷有陷不孝之懼乎。他日弟妹離散。必當成立焉。廬器蕩析。必當恢復焉。又何憂且懼哉。是余欲言於溫長者也。溫長能就學於善師。求助於益友。業成而歸矣。九原之下。先考之喜。可知也。抑余亦少而孤。有闕于省察。勉勵之際者。何足言哉。雖然。前車之覆。後車之戒也。故姑以余所自愧。推之。庶幾其加戒於往行乎。語云。不以人廢言。請舉以爲贈。亦且共勸。

秀野堂記

廢

名陰曰不礎字法

又曰章法

又曰敘事簡老

鷺湖櫻城之下。有發圃。曰最明寺。昔者北條時賴老而爲僧。周遊四方。察民利病。來逗于此。至今不礎。比之甘棠也。嚴君保卿世家其側。嘗葺廬舍。欲更其扁。使余名之。余未得其說也。蓋君之爲司庾也。歲適不稔。民多逋欠。先是在職者。視事不潔。奸民伺隙。投以苞苴。因循苟且。數年不督。逋欠愈積。急之則野有不耕之田。緩之則公有不給之缺。於是君巡行村邑。其力能償者。使之償。其老羸稚弱。君則出金給之。而使償之。而君之所居貧民最多。君既賑救。又貸金不收息。使俟歲豐而致之。一日余訪君。談及民事。乃謂曰。

方今清平。四方無虞。其可預備者凶歉而已。昔者鎌倉時。東邊西鄙。強梗難制。世多被冤抑者。時賴恭儉自率。竭心於民事。民賴以安堵焉。余視君之所以用心者。殆似慕北條氏之風。而今上君堂。堂高且敞。下瞰沃野。是可以名秀野也。夫野之為景。固無可供心目之娛。而風霜雨雪之變。咸豐凶之所關也。夏日炎赫。百草萎蕪。仰見山巔。夏雲如峰如火。搖曳廻旋。須臾一片翻墨。白雨珠珠。沛然勃然。洪野新浴。稻花吐香。愈望濃雲不可極。如是可以望秋禾之秀也。冬時嚴寒。朔風凜凜。江天黯淡。雨雪霏霏。山影欺玉。湖光

名陰曰巨出秀字

沈鏡瓊瑩埋推。魚鳥寂然。野坳千里。寸芒不可見。如是可以期夏麥之秀也。若其凶歉。則飛蝗蔽空。淫霖浸地。方秋收時。嚴霜遽降。禾稼咸死。及冬無雪。枯野蕭颯。麥苗耗盡。插秧之聲不聞于田。刈麥之歌不揚于隴。君坐而望之。必有惻然可憫。嚮賑貸施恤之念。得無乃有萌于此乎。然則余之所以名。豈特偶然哉。若夫湖山之勝槩。可以備登覽之娛。放浪之士。弄翰操觚者。所宜而非憂世憫物者之所汲汲也。故不敢記。

无妄樓記

名陰曰好信局  
起首北條時賴云似筒  
筆法至中幅初知和緊  
要乃与題大有因步  
存想之竭思者勿論字句

高尚淨  
岩陰曰起不九

交遊之發。余議論者。曰渡邊公龍。其外貌清癯。如不勝衣。內實矯矯然。不牽世俗。趨舍嘗謂余曰。方今之世。何其多妄也。而妄之尤者。爲儒夫。苟以儒自命者。上之則論談禮樂。齷齪乎玉帛笙鼓之末。試問之以人倫之道。則愕然卷舌而駭。不知今日之天地爲何物也。下之則高沿千歲之上。遠探萬里之外。雄辨誇大。作爲文章。蔑視古人。試問之以經濟之略。則啞爾縮首而悚。不知方今之時弊。爲何事也。其餘大槩。非偏僻固陋之輩。則風流滑稽之徒耳。要之不立其身。不行其道。殆不如閭閻俠夫之尙義者。吾故曰。今世

之尤妄者。莫如于儒焉。噫嘻。二百年來。無真儒。故吾激之以詩酒。放之以山水。懲之以无妄。而命吾樓。蓋取之於實理。自然無所期望。而有得耳。子盍爲吾記之。余旣聞君之言。論又何容喙乎。雖然。以余觀之。如君之所斥。卽指下等之人。而惡之之言。乃至中等以上之人。世亦未必無其人也。且夫儒有數義。以道得民之謂儒。多文之謂儒。區別古今之謂儒。以道優柔身之謂儒。通天地人之謂儒。特立之謂儒。假使君爲儒。則特立歟。於其名可從而知其志也。雖然。人亦有言。知者不言。言者不必行。君知妄之所以爲妄。而行

岩陰曰轉換處甚佳  
又曰篇中章字句尺合矩  
護



或不免則以妄易妄也。是亦不知妄之所以爲妄也。奚爲而可。君蓋無之也。於是乎記。

居易齋記

天下之險莫險於信。信之最險莫險於岐。蘇飛棧斷。崕跼焉挂猿。自非氣壯力健者不能極其恢譎。狀壬辰之歲。余遊京師。途經其地。時方秋。紅葉飄溪。如濯錦繡。隔溪聞呦鹿之聲。宿福關。終夜潺湲在耳。起見嶺月。霜露滿空。情思清絕。余樂其境而忘其險。然中州之士。雖聞其山川之勝。頗有可游覽。怵險阻而憚跋涉。逡巡不敢搜焉。余則曰。山之崔嵬。水之駿駛。可

名陽評峭景幽致簡澹  
寫出使人魂遊是吾兄  
長技

愕可驚之狀。可以壯氣快目爲文詩之材也。去歲戊戌。余來江戶。江戶之爲地。平曠坦易。百里之外。不見一邱之嶠。一壑之嶙峋。足以賞遊者。則鄉土山水之勝。寤寐往來于胸懷。悶然有欲歸之意。旣而得岐。蘇人武居文甫。其人沈深寡言。不與世俗競。泠泠然如嘯以清風。及讀其文詩。不問而知得山川清淑之氣而成也。文甫與余同寓昌平。一日談及故鄉山水。文甫曰。子嘗遊我鄉乎。吾有書齋。命曰居易。請爲之記。余聞其名。乃有所感焉。夫信者天下之至險也。文甫身居至險之地。而樂至易之道。蓋其爲境。雖太

審評陰易映帶成文  
想歎奇險而行文則平  
易自在可謂章平有  
險易之地

險。風俗淳樸。山水清淑。足使清高之士。諷詠遊賞矣。如江戶。則雖天下至易之地。而絕無幽壑邃林可游賞者。特有馳名騁利之徒。干謁隆赫之門。而行至險之事而已。則人心之險易。相反猶土地險易也。雖然。余與文甫在此地也。欲就善師。交益友。切磋砥礪。學居易之道。則行險徼幸。固非所與焉。但有感于命齋之意。故樂為之記。噫嘻。余他年欲訪文甫於山聳水駛處。提攜以窮丘壑幽邃之狀。不知文甫之能許其從游乎否。

登富嶽記

名陰評記極高山不為  
信屈之評却以蕭散之  
筆行之自有風趣

己亥之夏。余寓昌平覺暑甚。兀研無聊。諷誦殆發。偶上含雪樓望富嶽於西南之際。如白髮老翁立於烟雲中。招余以清風者。壯心為之勃興。遂決策而遊。發以七月初八抵上吉田。投祝史家。主人曰。嶽高五千餘仞。周廻三百六十里。登道呼十里為一合。每合設屋以憩登者。自合至升而止。從此至第一合。三十里而遙。路稍稍仰。幸有農馬可以備困憊也。十一日詰旦。倩嚮道出。喬木離立。間有華表。樓門華整。嶽神祠在焉。結構壯麗。奉香火者陸續相屬。過祠則牧豎繫馬而歛。乃跨而行。麓野曠濶。草花種種盛開。有茅店

暗伏結句一段議論初

賣果餅曰回馬。登山者至此下馬而徒。路始崎嶇。漸抵二合。險仄艱步。購杖以行。忽入林莽。古木僵仆。土中往往見炭。堅如石。寶永年間所焚者也。抵五合。童然草木不生。其峻寒可知。右得一萃表。匾曰小御嶽。磬折而入三四里許。老樹陰森。有祠亦宏麗。祀役小角。以開山也。左折而登。潰砂錯錯。一前一却。惟跟導者之迹而進。直上數里。燒石如禹餘糧。碎破散布。隨步隨墜。雖有巖角。或可援攀者。觸輒壓倒。警不敢近。有禽斑翎類鶉。磔磔啄石。藓見人則穿雲飛。土人呼爲天鳥。抵七合。天色晦冥。暴風驟雨。颯颯霎霎。自脚

奇想

底捲上。咫尺不辨。衣袂悉濕。晡時投八合石室。就火燎衣。沽酒禦寒。夜將三更。雲收月出。嶽背暉光。倒射夜色。涼蒼星斗熒熒。可捫彷彿。如聞河漢聲。終宵凄然。不能交睫。翌日昧早起。霜露大降。候如隆冬。添衣而發。逕極險峻。磊砢崩下。後者頭接前者踵。各角健而登。未百步輒息。息復登。余欲仆者數。困頓息迫。踞石休歇。下有混濛不可名狀者。須臾天向曉。蒙蒙回旋。倏如鎔銀。忽如散綿。良久風收。渾成一片。則輪囷如靈芝。駢頭叢生。所謂雲海也。俄而風吹。蓬蓬然如白練。搖曳于空中。少焉。繚黃縈紫。紅線閃礫。雲駭霧

假觀師着色態一篇之佳境

解旭曦踴躍回出于海。矐矐如鏡。暉光映發。目眩不可正視。實宇宙間一大奇觀也。於是氣暖體伸。仰見石燈。謂絕頂既近。喜不自勝。拚躍鼓勇而進。不覺達于巔。則兩耳六葉如人肺狀。所謂八朶峰也。中央有陷窪似水虎頭。深二三十仞。側身臨見。冰雪皚皚。玉堆壯佼。鋸斫之。又遇荷擔者。試嚙之。齒牙爽冽。蓋懸之爐上。融釋滴瀝。以盤受之。匪窪外凡十里。風常迅勢如奔馬。動爲所捲去。是日天朗無風。遠眺極佳。左迤而行。導者指曰。雄峻奇聳。如筆格者。信之八嶽也。偃蹇肩隨。而爭譎詭狀者。甲之駒嶽也。岝嶸崩男。如

覆簣者。稜峭孤立。如文筆者。信濃御嶽。與越中劍峯也。秀拔而玲瓏者。賀之白山也。其餘如髻如螺如螳。埵如厦屋高下起伏。如萬重波濤。如魚鬪水。如鰲負山。攢簇杳蹙。不可指名。而皆富嶽之兒孫。環膝下者。加之涵湖點綴。水色沈碧。亦一種之觀也。陟降轉回。偃偻而行。一巒突出。如附疣者。爲寶永山路徐夷。而左絕崕。右陷窪。宛如行馬鬣上。欹足而過。則巉巖漸峭。中間楷梯通路。攀而躋。疊石爲井。井水瑩徹。掬飲凜冽。名曰金銀水。愈右則大石螺砢。巨石蹲其上。嶮立四五丈。岌乎欲墮。其隙通人處。僅尺。匆匆若不容。

行雲樓遺稿卷中  
蝸附而往。龜伏而出。則豁然開明。南方諸山。胚胎于雲堆中。其缺裂處。或露頂。或見腰。特三穗松林。接港而斜出。如象鼻。其洲觜與薩陞山趾交衽。浮黛蒼翠。縹緲如畫圖。此際列置銅佛。跣趺相望。頗礙目。較足甚可厭。迺復來路。天風漸起。泠泠吹髮。眼界有小天下之意。既而余題石曰。天保十年。七月中浣。備後福山人。江木戩。豐前中津人。藤本煥。信濃諏訪人。松島坦。朝山。導者曰。宜穿重鞋。扶杖而下。乃輕裝從之。沙礫磊砢。與身轉下。石齒稜峭。芒發嚙足。傷痛欲止。而勢急捷。不可須臾停跨。瞬息五十里。忽至半腹。自覺

齋藤越香評本島着一  
番猶彩便覺通幅成  
好文字譬言犹有以麓  
而成以山也

此身陵五千餘仞之巔。聽嘯雞於九閣。觀浴日於半宵。翛然生翰羽。御風躡虛。合然下下界也。余初以爲富嶽。蟠于三州。高不稱其麓。而及登嶽。則知麓稱其高也。噫嘻。窮地摩天。巍巍乎秀于千古者。自非有此麓。曷能爲此高哉。

夢香書屋記

藩有君子曰中島君。嘗鑿一池於家園。植蓮於其中。築室以爲退休之所。命曰夢香。取之於清人某之句也。今茲七月。君祗役侯邸。余偶謁其廨舍。君語以鄉園之勝。意甚樂也。余深欽羨之。蓋余所寓百之寮。卑

狀察中暑熱之苦迫真  
余亦嘗飽其毒矣不勝  
曰病相隣之情也

濕湫隘。朝陽射窓。暉影直徹。室背四傍。列牆微風不  
搖。炎氛蒸蒸。如坐甑底。終日浹汗。氣淹淹欲絕。日方  
暮。炎威稍退。則蚊蟲雨集。聲成殷雷。撲面噬膚。不可  
須臾釋扇也。既而夜深人定。欲整几讀書。則精神困  
憊。睡魔難御。不覺曲肱就眠。是其常也。日一觀蓮於  
不忍池。曉靄濛濛。花未全開。亭亭挺立。如百萬燈毬。  
光采映波。少焉。旭日升而曙風吹。融露瀉乎綠葉。芳  
香襲乎衣袂。幽味爽快。不復知人間有熱毒也。今聞  
君言。悵然自失。顧君夏秋之際。退公之暇。憩乎池上。  
蓮花幽豔。馥郁婀娜。水光滉漾。左右映帶。心間氣暢。

一醉頽然。夢亦香也。其爲適果何如也。余焉得不欽  
羨之耶。或曰。自濂溪先生稱蓮爲花中之君子。後之  
嘗愛者何限。然往往以污濁之心。對清淨之花。譬猶  
以熱眼對冷面。豈無愧乎其中哉。且與觀花之君子  
而玩之。孰如得人之蓮而親之哉。余乃抵掌曰。有是  
哉。君殆其人也。余觀君之所爲。挺然直立。奮拔乎泥  
塗之間。不爲世俗囂塵所染。則胸中之蓮。不知其植  
幾百根也。假令君園無一株之蓮。余固將仰欽之。而  
况有之乎。嗚呼。余倦遊厭卑濕湫隘者久矣。何日得  
業就志遂。觀池蓮而吟詠之哉。姑記以先之。

生生堂記

神農邈矣。軒岐尙矣。春秋戰國之間。號名醫者。莫過於秦越人。雖長沙氏之賢。覽其入虢之診。望齊侯之色。則慨然嘆其才秀也。然當時之人。扁鵲能爲生死。人則曰。越人非能生死人也。此自當生者。越人能使之起耳。嗚呼。醫能生其當生而足矣。其當死而死。則命也。非醫所能爲也。今之醫。余惑焉。其所標不曰回生。則曰起斃。其意謂吾能起旣斃於半匕之藥。回九死於一生之中。自以爲軼越人而駕長沙。非特不知其量而已。驕傲肆意。必有誤人於非命者。譬之混堂。

名陰評程伯子說周官示  
好意

佳喻

汚而標香水。銀匠盜而標誠。實豈不亦妄乎。余家世業醫。而余有不慊于心。何則。醫之爲業。應匆卒之招。好惡不能自斷。親乎汚穢。安乎卑尋。踟躕進退。不暇寢食。而始爲口腹之計矣。劉伯溫曰。昔之醫。早夜以謀道。故道成而功日彰。今之醫。早夜以謀食。故智昏而道與窮。自君子視之。華服美輿。意氣揚揚。奔走者。胎屠沽賈。銜之不如也。今茲壬寅孟春。余訪矢鳥君齋。時雨雪霏霏。泥濘滿途。笠蓑彳亍。漸抵其居。居踞地之勝。負碧嶂。臨清湖。君聽余至。欣然出迎。恨相見晚。乃設酒煮茗。品書畫。評詩文。談愈熟。雪愈積。萬象。

好引証

名陰評添其巨轉文起流動  
種生也可誦

空寂。月影濛朧。只聞窓外灑竹聲。與前溪嗚咽而流  
耳。君謂余曰。吾近葺居更命曰生生。請子記之。余退  
而思之。君之命意。與世醫不類焉。豈非有深契越人  
之言而然耶。因舉平生所持論而質之。雖然。君爲人  
風流都雅。恐未必如余以熱眼對冷面也。顧刀圭之  
暇。散佚命觴。彈琴圍棋。或招高僧揮毫潑墨。或會韻  
士寄趣於山水。暢情於風月。若夫東海揚塵。桑田橫  
流。固所不介其意也。余唯感君之所以命。而樂爲之  
記。習而余亦不辭其心。以附君之文。故樂泐於今。文  
梧竹樓記

矮屋數間。環植梧竹。匾曰梧竹樓者。赤羽子光之居  
也。子光善醫術。遠近乞治者。履常滿戶外。今茲仲秋。  
余罹頑疾。數旬不愈。遂往投梧竹樓。乞治。時殘赫已  
消。涼風颯起。病者咸起。于光亦得少間。偶攜余涉園  
中。高梧飄葉。脩竹減陰。自牆外望。黃茅白葦。彌望曠  
遠者。拮梗原。而武田氏之所屯也。蜿蜒磅礴。連亙數  
里。如波濤起伏者。蘇峽千山。而木曾氏之所興也。余  
與子光徘徊移晷。暮色蒼然。月升東林。風露滿空。子  
光愀然曰。吾輩俯仰感慨。唵清風。嘯明月。寓之聲詩。  
聊樂今夕。何異夫寒蛩咽草間。而螿砌下乎。余應之。



曰子亦感彼二雄之事乎。方其盛也，驅馳中原，舉宇內無敢敵之。其衰也，顛頓狼狽，不能保首領，豈非多殺人者，其鬼不食耶？今子自先翁巧扁倉之術，起廢疾，治痼病，不知其活幾百人，而屈膝矮屋，儉德自牧，皞皞乎爲太平之民，其中所樂，不易南面百城之主。然則高人逸士，未必爲無所得，而英雄豪傑，亦未必爲無所失也。抑又思之，昔者董奉每治疾，必使種杏，數歲之後，蔚然爲林。顧先翁欽董氏之意，刀圭之暇，手植梧竹，使子孫棲其下歟？古人有言，活千人者，子孫必有祥。何知他日梧竹之陰，不有鳳皇來儀哉？子

光肅然曰：吾則不敢當也。雖然是先考之志也歟。子盍記之，乃記。

### 愛柿園記

櫻城山之麓，蔚然多叢樹，而喬木挺立，獨聳雲表者，巖氏之園柿也。蓋其祖君之手植，距今百有餘年，身旣三十圍矣。因命其園曰愛柿，徵記於余。余曰：詩云：維桑與梓，必恭敬止。顧巖氏命名之意，亦未必不在此也。今世之有力者，欲開拓園池，則壘石築山，引流穿池，爲臺榭亭屋之觀，求嘉草美木之植，則自芳山之櫻樹，高雄之楓木，與夫瀟湘之斑竹，西湖之楊柳，

而至名山大嶧窮崖絕谷所產之物凡舟車之所通  
人力之所至從其所欲而無不輸也然而欲得父祖  
所植咫尺之植雖役萬夫擲千金不可得而致也然  
則可不培壅而愛哉且柿之爲物雖乏英華足以娛  
心目者古人稱以七絕壽也嘉實也多陰也無鳥巢  
也無蟲蝨也霜葉可翫也落葉肥火也凡之數者大  
有資人生日用可謂植物有材操者矣抑余雙角時  
日挾書卷與巖氏兄弟常遊嬉于柿樹之下今而追  
思之倏忽二十年領頤鬚髯躍躍然出及爲記文燕  
辭僅如是殆不勝俯仰慚悔之至也

野田笛浦批評

藤原秀鄉論

見出處之正而知去就之節見去就之節而知終始  
之不變昔者藤原秀鄉討平將門以其有功王室後  
世無敢議者余觀其出處去就之際知非終始不變  
其節者也而幸全其身者特有所畏憚而逆迹未發  
耳將門之謀逆也秀鄉亦將與其謀焉往見將門將  
門方梳髮捉髻出迎之秀鄉見其輕率不足與有爲  
也去從平貞盛是其初心甘其逆也知其不足與有  
爲而伐之者非其本意也源右將之起兵也平廣常  
以萬騎來見右將右將責曰奉敕舉義盍速來乎廣

行雲樓進和卷中  
常退曰。此公必成大業矣。遂從之。由是觀之。反覆之  
從。見強而就。見弱而去。假令將門有右將之包量耶。  
則秀鄉未必不如廣常之於右將。而令右將疎率如  
將門耶。則廣常又未必不如秀鄉之於將門也。斷可  
識矣。然而廣常平族。非其家隸。不足深責矣。夫秀鄉  
也者。領使而王臣也。聞其逆伐。而夷之。可也。苟力不  
能敵。拒而守之。亦可也。何甘逆賊而往見之爲哉。進  
退去就。惟利是趨。雖有所畏憚。而全其身。豈非亂賊  
之尤者耶。今有二奴焉。將共謀穿廩。而其一知鑰。堅  
不可斫。反訴其主。主以爲忠。已不察其意而褒之焉。

知他日不伺間隙。攫金而走哉。或曰。果如子論。秀鄉  
有功而不賞。不賞而除之。可乎。曰。原其心而備之。可  
以有賞。不可以無備。書曰。有備無患。徒賞而不備。余  
懼亂臣賊子。接迹於秀鄉也。嗚呼。出處之不正。去就  
之不一。何有終始不變其節者哉。余故曰。秀鄉者。亂  
賊之尤也。

楠正儀論

赫赫之功。不著于當時。則曖昧之跡。不能無疑于後  
世。假令其志不愧天地。亦知者鮮矣。唯天下闡幽之  
士。就其人而論其事。百世之下。足以明其疑矣。余讀

史至楠正儀投北朝之事。竊有惑焉。及觀阿王事。而有所大悟。阿王者赤松氏之臣。宇野氏之孤。而楠氏之讐也。詐降欲刺正儀。感其恩不忍刺。曰刺之則傷恩。不刺則背義。有一于此。生又何爲。抽刀自刺。由此觀之。正儀非有平居忠厚慈仁入人之深。曷能至使敵讎消滅。其戕害之心如是哉。昔者趙盾驟諫。靈公公使狙麇賊之。乃歎曰。不忘恭敬。民之主也。賊民之主。不忠。棄君之命。不信。觸槐而死。嗚呼。麇不賊盾。以忠臣有功社稷也。阿王不刺正儀。雖非爲社稷。然其感於誠則同矣。苟有忠厚慈仁。足以感寇讎。忍何叛。

累世之君。而降父兄之仇乎。當此時。南朝摧折之餘。兵氣不振。而長慶好攻戰。厭和議。正儀懲父兄相繼決死大功不就。故屢諫之。諫之不納。其勢違旨。違旨則怒逐之。正儀深謀遠慮。知已知彼。唯唯諾諾。不忍顛社稷。故含垢忍恥。不顧一時之屈。而欲立千古之功。譬之羸疾之人。攻擊難投。調養復元。苟利于疾。不擇菽著與屎尿也。而或咎其汗穢。特不察耳。惜乎。長慶之不明。不知其謀之所在。使其功遂終于無成也。而後世徒見赫赫之功。不著于當時。而起疑於曖昧之迹。是亦正儀之所笑而不辨也歟。

另陰曰確當

自古英雄建大業者。踏薄冰。履虎尾。瞻前顧後。慄慄  
惕厲。只恐其不終也。然而英雄成算先定。過變不挫。  
應機如響。昔光武之舉兵也。乘破竹之勢。攻者破之。  
戰者勝之。其在薊時。王郎兵在後。從者咸懼。因將南  
馳。及虜陀河。候吏曰。河水流澌。從者大懼。光武特無  
沮色。使王霸往視。還報曰。冰堅可渡。光武笑曰。候吏  
果妄言矣。蓋光武固知候吏之言信。而霸之言詭也。  
其所以遣霸者。以霸善處置也。故曰。安吾眾得濟者。  
卿之力也。當此時。若光武躊躇顧慮。而霸逡巡遲疑。

光武論

懼泉作駭評故云

予嘗謂聖賢豪傑。秉雄  
君子皆膽大而心少。有敬心  
而無怯氣。有敬心而無  
怯氣者。大膽也。先武見之。則  
則懼見大敵。則勇者有  
敬心而無怯氣也。以論

則勢氣頓折。從者潰散。不可復振也。或曰。僥倖之功。  
未必就成。敗論也。河如不可渡。其術如何。曰。霸逆知  
光武之意。光武英略。何有途窮而後屈之事哉。徐徐  
整陣列。漸漸反旌旗耳。而今河冰合。則出意外。是所  
謂天幸也。夫英雄成算固多。然視小事而懼。臨大事  
而斷。世徒見急迫之惴惴。而不見餘裕之綽綽也。若  
夫少算之徒。其期進取。如固有之。宜其不終也。嗚呼。  
英雄之所難者。常情之所易。而常情之所難者。乃英  
雄之所易也。歟。

楚成王論

論蓋與郢哀同而所置寒  
也字駭字皆屬怪夫  
者指字失當乃害天義  
不可不精 愛卑陳人必

魯僖公二十八年。晉侯與楚子戰于城濮。楚子敗績。  
論者云。子玉違君命以取敗。故伏其罪。吾謂此非晉  
文之敗。子玉楚成之敗。子玉也。何者。子玉之使伯棼  
請戰者。激爲賈之言也。當此時。爲楚成者。宜解而止  
之。不待其敗而後罪之也。若止之而不可直奪兵柄  
耳。乃非特不奪兵柄而已。又隨而與之。若敖六卒是  
非止之。乃激之戰也。成王不云乎。晉公在外十九年  
矣。果得晉國。上下必心服。不可敵。既已知其不可敵。  
而少興之兵。然則非待其敗而罪之。而何爲人主者。  
賞罰如此。而可乎。或曰。子玉狼狽不遜。楚成欲除日

久矣。然其惡未形。故待其有過而罪之耳。否則國人  
不服。誠如此說。則策之尤拙者也。今有點僕欲除之。  
亦無咎。一旦齎千金以遠行。使盜殺之途。快則快矣。  
其如千金之費何哉。夫兵者國之大事。將者三軍之  
司命也。惡一人而棄三軍。天下之策。孰有拙於此乎。  
嗚呼。楚自齊桓沒。國勢日張。諸侯側目。恐之。城濮一  
敗。晉爲盟主者。百有餘年。楚不得逞志。自是役始矣。  
然則楚成者。非特誤一時。蓋誤後代也。

晁錯論

刑名法術之學。不可以治天下。殘忍刻薄之人。不可

君陰曰曲批辨論語蠶人

史陰曰聖光一照剖姓而新

又曰是允也故春秋稱許世子弑其父

行雲樓遺稿卷中  
三十一  
共議國事。商鞅李斯之滅國亡軀。其跡著明。可徵也。漢景帝時。御史大夫晁錯以殘忍之資。行刑名之術。謀弱山東諸侯。屢削支郡。會吳王濞欲作亂。以誅錯爲名。諸侯并起。天下殆乎危矣。爰盎使景帝誅錯。以謝論者曰。錯爲漢竭忠。而殉其身。余謂錯敦人倫而竊美名也。何者。方錯削侵諸侯。其父謂錯曰。公疎人骨肉。取怨多矣。吾不忍見禍逮身。飲藥而死。錯以已故。殺其父。則手雖不注藥。而罪不可追焉。夫求忠臣於孝子之門。忠之與孝。名雖異。實則同矣。其見於事君之間。謂之忠。其見事親之間。謂之孝。是故未有厚

其親而不厚其君者。未有忍其父而不忍其君者也。然則錯既不孝於父。豈能忠於君乎。或曰。錯父沮其子爲國竭忠。不可謂智矣。景帝聞讒殺錯。不可謂厚矣。曰。錯父穎川一匹夫耳。見其子登貴榮。宜不遑矜伐。而知其禍連三族。豈非有先見之明耶。景帝寡恩之主。而錯進之於刑法。何異夫烈風進翬。教猱升木哉。陸象先曰。天下本無事。庸人自擾之。錯以刑法擾天下。不免爲庸人。假令吳濞不作逆。爰盎不投讒。錯已蹈鞅斯之覆轍。則殺身之禍。接踵而至。錯亦鞅而已耳。斯而已耳。車裂五刑。誅且有餘罪矣。嗚呼。錯將

行雲樓遺稿卷中  
爲國家計耶。及諸侯并起。必不以其君爲孤注。抑爲一身計也。已得富貴。雖殺父。恬然不顧矣。其設心如是。其罰固當然也。甚哉錯也。被父於不智之名。負君於少恩之謗。而獨竊美名也。故余特表而出之。警刑名。法術之不可治天下。殘忍刻薄之不可議國事也。

子產不與玉環論

介彊國者。雖片言瑣事。不可不張國體也。昔者韓宣子有環。其一在鄭。商謁諸鄭伯。子產不與。及買諸賈人。旣成賈矣。請於子產。子產強辭折之。世云子產慍孔張失位。爲客所笑。故激昂強辭。以折大國之卿。幸

遇宣子之賢。如其他人。則蓄憤積怨。被禍必甚。松島子曰。噫嘻。是烏足以知子產哉。是乃鄭之所以能介彊國而不亡也。夫宣子之賢。赫赫聞于諸侯。而猶以無禮加鄭國。鄭而從之。天下貪慾者。咸曰。鄭可以求也。求而無饜。何以拒之。是子產秉禮詞。所以使宣子不逞其欲也。戰國時。趙得和氏璧。秦欲奪之。藺相如奉璧入秦。悍然不屈。完璧而歸。夫一璧之於趙。與與不與。固不足以爲輕重也。然不拒之。則其如無饜之求何哉。虞叔有玉。虞公求之而獻焉。又求寶劍。虞叔曰。是無厭。必將及我。由是觀之。介彊國者。宜豫防外



侮之釁矣。宋楊龜山排斥相如曰：古有以皮幣珠玉而不得免者。况一璧乎？歸趙何益？司馬德操曰：儒生俗吏不識時務。識時務者在于俊傑。揚氏世所謂明經大儒也。而不通時務如此，宜矣。趙宋之末，爲夷狄所劫，制彊日蹙，文武之臣，輕咳微聲，奉幣怖伏，以事夷狄。未敢有一人出氣力爲國家張威聲者。假令一相如出其間，則曷有養靡待禍靖康之事乎哉？余觀相如相趙王會澠池，使秦王擊鉞，則與夫子產如晉毀垣之事相匹矣。嗚呼！欲識時務者，必勿爲經生腐談所誤矣。

李陵論

少年才氣，有大過人者，使之不至大成立而摧折者，人主不愛惜培養之之愆也。嘗讀李陵傳，見其兵窮矢竭，降匈奴，胡服椎結，對蘇武泣下，未曾不深恨漢武棄斥人材之失也。夫陵以世爲將家子，欲立大功於殊域，以繼乃祖廣之志，慨然特立，恥隸貳師軍，請提孤兵涉沙漠，蓋陵特年少負才，喜功之勇耳。秦始皇欲伐荆，問用兵之數，老將王翦曰：非六十萬不可。李信曰：不過二十萬足矣。始皇用信，信年少輕銳，大敗而還。高祖將三十萬而困平城，則陵以步卒五千

而不能敵匈奴之衆。雖愚者知之。及其一敗降敵。聞公孫敖之言。遂誅其母弟妻子。何其少恩也。初使漢武能抑折其血氣之勇。培養其果決之才。而後有所大用。則陵豈必以失節死哉。然則陵之敗。非陵之罪也。漢武之負陵也。謂陵獨負漢武哉。唐玄宗見李泌曰。是兒精神要大於身。敕其家曰。此國器也。年少與官。恐於兒有損。蘇軾初中程時。英宗欲授知制誥。韓琦曰。軾遠大之器。要在朝廷培養之。其他漢文之於賈誼。宋祖之於張齊賢。明高之於方孝孺。則雖當盛年。尚且養而待之。可見人主宰相所以養育天下之

英才也。司馬遷曰。陵有國士風。得人之死力。雖古名將。不過余觀其別蘇武詩。則陵非特有將帥之略而已。杜甫所謂吾師者也。惜哉。漢武投絕域而不顧也。世謂漢武愛才之主。然其所愛。文則司馬相如。東方朔之俳優靡曼。武則衛青霍去病之不學無術。有若陵與遷。或死絕域。或陷腐刑。嗚呼。不愛其可愛。而愛其不可愛。豈可謂之愛才之主哉。

行雲樓遺稿卷中終 伊藤定之校字

*[Faint vertical text columns, likely bleed-through from the reverse side of the page]*

010190524448

48 13046

